

Universitätsbibliothek Paderborn

**R. P. D. Henr. Harphii Theologi Eruditiss. Ordinis
Minorvm, Ac Rervm Divinarvm Contemplatoris eximij.
Theologiæ Mysticæ Libri Tres**

Henricus <Herpius>

Coloniæ, 1611

De tactu intrahente. Cap. LVII.

urn:nbn:de:hbz:466:1-37362

fundendo, summam operationem suam consummaverit, hoc est, spiritum suum ad expirationem impulerit, & aliquantis per à divino spiritu acta, confota, & circumplexa fuerit, denuo illuminata ratione euolare debet ad colligendum plus mellis, & pari fecunditate renolare in dilectum. Et in his charitas debite ordinatur, cum mens humana supra singula quæque requiescere nouit, secundum quod utile fuerit spirituali profectui, ex omnibus fugendo mellifluam dulcedinem diuinæ potentiaz, bonitatis, magnitudinis, largitatis, & similitudinis, quæ iterum reuolet in proprium aluearium, hoc est, in amabilem illam originem, unde omnia profluxerunt. Ad hoc enim hæc euolationis vicissitudo propriè celebratur, ut semper maiori vberiorique fecunditate in dilectum reuoletur.

De tactu intrahente. Cap. LVII.

Secundò, præfato tactu spiritus intrahitur in intimū animæ, inde in intimū diuinæ fruitionis, exigens nos liquefieri in nobis, & ad nihilum redigi in diuinam unitatem, ac mori quodammodo in æternam felicitatem: hoc est, in amorem illum unitissimum ac simplicissimum, qui Patrem & Filium in una fruitione complectitur, ubi amoris spiritus in suauissimo amplexu diuini amoris baptizatur, ita ut omnes vires nostræ deficiant. Hæc intractio quidam internus contactus est, ex superestiali unitate Dei procedens, in quo amoris spiritus in uno amore cum Deo quodam amplexu efficiuntur penitus liquefacti. Nec mirum, quia super hunc tactum in ipsa fileti tranquillaque spiritus essentia, incomprehensibilis quedam claritas emicat: & hæc est excellatissima Trinitas, habitans in intimo spiritus, ex cuius diuiniarum & deliciarum profluvio tactus iste causatur. Et quamvis ratio illuminata & intellectus capiant prospicere in intimum spiritus ad cognoscendum de isto tactu, tamen non potest ipsis contingere: quia diuina claritas tunc supereremans, hunc tactum causans, sua claritate obrenebrat omnem visum & intellectum, creando tantum lumine illustratum, sicut præsentia solis obscurat lunam: & stellas, cum tamen à sole ipso lumen suum recipient. Quamvis ergo ratio & intellectus præparibus stare seu gradum sistere compellantur, virtus tamen amatoria superior (quæ licet intellectus ad notitiam, sic ad gustum ipsa diuinatus invitatur aut trahitur) amoris sui impetum protequi cupie, progredi nō omitte. Nam ipsa magis delectatur in amplexu diuinæ fruitionis, quæ potius ad gustum pertinet, quam ad visum. Sic igitur ratione &

Ordo charitatis.

In tracto spiritus.

one & intellectu prænima claritate excæcatis aut caligantibus & in
ianuis excibantibus, amatissima vis cum Moysè intrat *caliginem impetu*
magnō: quia quendam spiritualem insatiabiliter esuriētem impulsū
comprehendendi bonum in creatum acquirit, veluti si totum pelagus
glutire minimus conaretur pesciculus. In hoc impetu tres vires superi-
ores, sua vigorosa operatione seipſas exercendo funditus extenuant,
annihilant, & in propriam deficiētiam perducunt, ut feliciter efflu-
entes absorberi valeant in immēta diuinitate sancte Trinitatis. Exem-
plum horum capere possumus in Deo, cui omnibus assimilari debe-
mus, non solum secundūm humanitatem, verū etiam secundūm di-
uinitatem, cū ad suam similitudinem etiam nos creauerit. Quemad-
modum ergo Deus suum habet effluxum & influxum, quia effluit
naturaliter veritate & amore: quia veritas aeterna à Patre generatur, & influxus di-
amor aeternus ab utroque procedit: ita etiam super omnia exercita uetus.
debemus effluere notitia quadam veritatis omnium rerum, quæ
nos in Deum ducere possunt: & amore, quem colligere debemus ex
creaturis, veluti mel ex floribus, ad subuehendum in increatum amo-
rem. Etiam influit Deus naturaliter sua uinitate & essentia: quia uini-
tas diuina naturæ intrahit tres personas in nexu aut vinculo am-
oris, & diuina essentia consequenter comprehendit atque complecti-
tur uinitatem naturæ circumplexu quodam fruitu in eminenti a-
more. Sic pertinet etiam ad vinculum, aut nexus nostri amoris, im-
pulsi amore diuino, intrahere vires nostras in uinitatem spiritus no-
stri secundūm modum quem prefatus sum: sicque ulterius in simpli-
cem uinitatem essentie nostra superascendimus, vbi diuinam unio-
nem suscipimus, & eius dulcissimam fruitionem pragustamus. Et sic
incipit amorosa anima quiescere ab omni operatione *sub umbra il-*
lius, quem desiderauit, ita ut fructus umbra dulces fiant gutturi
suo. Ipsa etiam peruenit ad lectulum dilecti sui, ut suauiter ibi dor-
mitiat, otiosa ab opere, submersa in diuino amore: ibique diuinam
patitur intra se operationem, (sed hæc passio dulcis est) transforma-
ta in claritatem & amorem Dei, sicut ferrum in igne transforma-
tur in claritate & calore, cū sit de natura sua nigrum & frigidum. Hæc est via regia, qua anima veniat à creato lumine in lumen
increatum, vbi suam veram habet originem, ad quam ut peruenia-
tur, omnes eius impulsus à principio ordinari debent. O anima mea, *Animæ tuæ*
vbi profluxus tuus sum p̄ exordium? Nonne effluxisti ex abyssu sentia.

Hhhh. 4. diui.

diuinitatis velut essentia ex essentia, vita de vita, lumen intellectuale de lumine intellectuali, sed creaturaliter, nō essentialiter? Tu nō es Deus de Deo, sed es deificata à Deo. Tam fortis autem conexio, & tam excellens conunitio est inter vos, quod nunquam abolenda est, nunquam in æternum separanda. Vnde sicut Sol iste materialis in sua rota lux quædam est essentialis, radios suos vbique dispergens: qui radij licet non recipiant partem de essentiali claritate solis, attamen æternæ inhalationem cum sole habent, per quam in esse cōseruantur, ita quod eodem momēto, quo inhalatio illa dissipatur, etiā esse ipsius radij euacuat: sic etiam anima ab infinita diuinitatis abyssu profluxa, æternam quædam contiguationem, vnde conseruantur & alitur, cum sua origine retinet, quia si huiusmodi contiguatio intercipetur, eodem momēto anima ad nihilum redigeretur. Sicut igitur quis per rādium in rotam solarē ducitur, sic à sensibus exterioribus & viribus ad interiores, ab interioribus inferioribus ad superiores, & à superioribus ad vnitatem essentiae ipsius animæ, & ab ea consequenter in primam originē ducimur.

De triplici manifestatione luminis. Cap. LVIII.

COnsequenter pro clariori informatione de ista intractione habenda, est sciendum, quod postquam vires intellectuales intratæ fuerint in vnitatem spiritus, & vnitas spiritus se immediate præsentauerit & collocauerit coram Deo, tūc ex diuina vnitate irradiat lumen quoddam in elevata vnitate spiritus nostri sub triplici se similitudine manifestans. Primo, vt caligo, de qua infra dicam. Secundo, vt serena trauillitas ab omnibus formis depurata, veluti cælum serenum absque omnibus formis nubium, qua homo omnem considerationem & differentiam rerum & imagines amittit, simplici quadam vniiformique claritate circumfulsus & perfusus.

Istam intellectualem claritatem possumus appellare oculum simplicem, ad quem peruenitur hoc modo. Intellectus & superior affectus aut amatiua vis pariter gradiuntur ad peruenientium in Deum, vñq; ad extremum, quod intellectus pertingere potest. Tūc intellectus cum omni consideratione manet foris, & vis amatiua sola ingreditur, & se eleuat ad nuditatem cogitationis, quæ est simplex oculus animæ seu cor animæ, quo Deus videtur, sicut Christus ait: *Beati mundo corde, quoniam ipsi Deum videbunt.* Iste simplex oculus late apertus est, & habet intuitum simplicem sine consideratione aut inquisitione: quia in nuda cogitatione lux quædam intellectualis effulget, quā nec sensus, nec

Oculus sim-
plex animæ
quis.

Math. 5.